

增修萬縣志卷十二

地理志

風俗

義局

古之史乘地理郡國風俗備書焉自漢志采輯以來蜀俗美惡大都相近豈政教得失皆一轍歟抑亦水土所限有不以時代變易者歟夫南北異剛柔者固於方也上下同好惡者一於政也萬邑涵濡漸被士秀民樸固已承流向風矣而限於土風者未克變化整齊猶有司之責也采風錄實鄙陋不遺庶其興治之牧知所后先乎夫移風易俗未有不因俗利導者也

萬縣志

卷二

地理志

風俗

漢書巴蜀土地肥美有江水沃野山林竹木蔬食果實之饒民食稻魚亡凶年憂俗不愁苦而輕易淫泆柔弱褊隘隋書蜀郡巴東巴西其地四塞山川重阻水陸所湊貨殖所萃其人敏慧輕急貌多慕陋頗慕文學時有斐然多溺於逸樂少從宦之士或至耆年白首不離鄉邑人多工巧貧家不務儲蓄富家專於趨利宋史地狹而腴民勤耕鑿無寸土之曠華陽國

志江州以東其人半楚姿態敦重又南浦縣郡南三百里郡與楚接人多勁勇少文學有將帥材寰宇記萬州正月七日鄉市士女渡江南蛾眉磧上作雞子卜擊小鼓唱竹枝歌二月二日攜酒饌鼓樂於郊外飲宴至暮而還謂之迎富郡志樂史亦言昔日風俗今不然矣舊郡志土地沃饒土習淳厚民力農桑人尚禮讓舊志民力農桑佐以魚罾俗頗信巫

愚按萬縣城鄉風俗美於他邑士都雅而厚民質直而馴世家好蓄古書富室重爲義舉雖遠商輻湊百

萬縣志

卷十二

地理志

風俗

二

貨雲屯而繁華不及巴渝醕樸自留井開蓋亦易治之區也

俗昏禮必納采請期唯缺聞名納吉納徵而最重親迎貧富皆行之有力者盡飾彩輿旗仗鼓樂導從尤重媒妁擇戚黨有體面者爲之親迎日盛服以從乘轎披紅與新郎君等唯冠禮無特行者第於親迎前一日宴賓客謂之伴郎擇戚屬尊者爲之加冠簪花披紅遍拜親友命以字大書揭之壁喪禮始死置靈座設魂帛題銘旌唯不飯含棺多生前預備柏杉兼

用唯無柳小斂卽日大斂三日斬衰總功皆遵制
成服葬不拘時月遠近得地始諏吉前期展奠帛者
賻用錢帛羊豕綵帳葬儀陳設首方相次銘旌次靈
車次大輿刻誌石作木主修墳垣唯題主不於墓發
引前一夕延賓至喪側題之題畢設祭祭必三獻歌
蓼莪之詩諸儀畧具祭禮唯是時尤重餘如小祥大
祥忌日俗節皆祭第爲酒饌之供不備禮

俗元旦四鼓肅衣冠祀先祀神畢卽以香燭出門向
喜神方祭之謂之出天方黎明家長立於堂子婦孫

萬縣志

卷十三

地理志

風俗

三

曾以次展拜卑幼各拜於其所尊長是日必拜謁祖
禰墓三日內必盡拜族姻尊長親友互相往稱賀謂
之拜年元宵燈會最盛富商大賈之所競術也魚龍
曼衍藻繪離奇自初九日始十六日罷二月初三日
士人必祀文昌帝君唯謹社日唯農家重之不動
土祀社公社母春以二月二日秋以八月望日城鄉
報賽極盛上已被除西山舊有流杯池遺跡邦人歲
修禊事於此今廢清明前後十日拜墓新墳多祭於
清明前老幼男女咸集必慟哭具酒饌焚紙錢祭畢

席地圍坐而食蓋所謂墀間之祭也舊墜僅家長或命子弟往祇香燭刻紙錢標植墳首以爲誌端午家懸蒲艾於門亦有製艾虎者是日正午必酌以雄黃之酒辟毒也小兒耳鼻背間遍抹之製角黍轉相饋遺尤尙競渡旗分五色角勝爭先鉦鼓喧闐礮聲不絕鄉市往觀者雲集江岸幾滿十五日亦如之謂之大端午俗於五月十三日及六月二十三日祀關帝十三日尤盛其日多雨謂之磨刀雨又六月二十四日祀川王農家最重此會釀錢買豚以祭量

萬縣志

卷十二

地理志 風俗

四

人數以桐葉包肉蒸成鮓派分之亦猶陳孺子之分社肉也七夕女子有穿針月下以乞巧者或以碗水擲豆芽水中視其影或象筆或象如意或象花則謂之巧或象鋤或不成形則謂之拙中元祀祖禰燒紙錢包袱故鬼新鬼咸具新鬼更剪紙爲禮服常褻服貯紙箱中焚之謂之送寒衣劇金作孟蘭會云賑濟窟鬼也是月新穀既升有薦新祖考之禮客外者未逾中元不敢遽食新也中秋祭月餅果羅列燈燭輝煌爆竹之聲達郊野家爲團藥之飲飲畢出門步月

子嗣艱者是夕親友相率飾童子抱瓜送其家鼓樂
導從爆竹喧闐主家張燈結綵以迎主人夫婦盛服
俟於堂童子入內寢置瓜牀中出眾賓登堂賀頌禱
宜男主人款賓悉犒從者八月二十七日士人祀
先師唯謹凡鄉塾童蒙無不與者重陽日士人閒結
侶攜具登西山北山以憑眺會飲惟不繫茱萸囊泛
菊花杯耳冬至有祠堂者祭始祖合族觀譜分胙臘
祭殺牲治具以祀其先然後具食謂之年飯無定日
率於十二月下旬爲之俗謂是月爲臘月初八日爲

萬縣志

卷十二

地理志 風俗

五

臘八日二十四日爲小年二十三日送竈謂竈君登
天也除夕接竈謂返自天也祭用果品及飴餠謂之
竈餽又於竈中置米豆茶鹽少許祭畢灑竈中又斷
稻草同灑入謂之祀竈馬除夕點竈燈以照虛耗爆
竹聲徹夜不絕邑製爆竹最佳凡令節嘉會祀神無
不用之謂之喜爆除夕元旦尤盛戶扉皆貼紙繪門
神顏以金花喜錢至初三日祭而燒之歲底親串以
物互相贈貽謂之餽歲卑幼有獻於尊長謂之年禮
尊長賜卑幼謂之押歲錢除夕祀神祀先畢家長立

堂上子婦孫曾羅拜卑幼各拜其所尊長至異居尊
長及外姻尊長亦各往拜於其家謂之辭歲沽酒殺
合家聚飲謂之團年達旦不寢謂之守歲

義局

萬縣民醕士厚閭閻市井無貧富好利人濟物相習
成風其義舉之多有上行爲政而下成爲局者事無
小大亦見習俗之美故弁志之以表義鄉卽以勵義
行

公樂堂

在城內東街知縣仇如玉捐貲倡募職員

萬縣志

卷三

地理志 義局

六

杜越捐錢四百二十千建房屋五間爲經理收殮浮
屍及養濟院孤貧口食公費之所眾捐多寡不等刊
有石碑置三正里十甲田歲納租穀三十石杜姓捐
獅子山熟地陳姓捐母猪跳河地共歲收租錢二十
餘千每歲公舉首士二人經理設長工二名今各善舉集於
此添設每小船收一浮屍給錢八十殮以木棺裹以
白布半疋路斃亦然費或不足隨時募資

翼公會

公樂堂收埋浮屍僅及城堡逐流見遺者

乏人收瘞市郭里一甲拖路口船戶楊正端募職員

張凌雲捨地掩埋歲貢張美含副貢朱仁宇倡募生息作撈葬諸費以輔公樂堂所不及

養濟院 邑舊無養濟院邑宰仇如玉倡捐勸募多金修建院房置買三正里三甲田地歲收租米倉斗一百八十石額設孤貧四十名添設二十名累年續增五十名每月值年紳士入院給米典史監之每年給官斗米壹百四十八石五斗鹽菜錢壹百四十八千五百隆冬各給綿衣一件三年一易

賓興會 邑距京師數千里距省亦千有餘里士子

萬縣志

卷二

地

志

義局

七

鄉會試每以資斧艱 襄陽知縣王玉鯨諭監生陳紹緒捐田歲入山課錢六千又捐銀四百兩勸募邑紳杜鍾嶠錢千二百緡賀代元銀千二百兩紳糧書捐多寡不等買田三契歲入穀共一百三十三石值科場舉行賓興盛 鄉試每生助錢八千會試錢四十千新舉者倍 恩拔副歲優貢初次北上助錢四十千後則減半 因鄉試人眾加募酌增先是書院賓興鄉會試皆右資助咸豐末年停止現在書院畧有餘資擬鄉試復舊給錢二千會試俟後充裕議

復

救火局 邑商賈輻湊肆舍鱗次而附而多茅店草屋每火作延燒或數日家民常患之咸豐八年知縣馮卓懷設救火局於公樂堂倡捐錢二千餘緡交會館生息備用水器存各衙門鐘鳴則官率兵役表火道澍小屋值年紳士率徒役運水器奔火所熄則按名給賞一民祿禳於回祿焚室有賑者同治三年知縣張岑飭紳民買田業歲入租穀二十四石

萬縣志

卷十一

理志 義局

八

檢驗亭

邑遼關山

路三里檢驗來報往勘動

輒經旬胥役因緣為破產咸豐七年知縣彭名湜令鄉為檢驗會自盡得昇入城驗費有限制其數微而給公故民不困九年知縣馮卓懷遂設檢驗亭於厲下并定驗費解費章程詳稟立案刊碑自是城鄉久遠遵行後任無肯更張者

驗費解費章程碑

為公議驗費解費章程詳稟立

案刊碑以垂久遠事茲將章程列後 一檢驗費鄉

城驗屍辦案差共給錢一千二百刑房共給錢六百

作作共六百具結辦冊共四百文格式共二百文代書一百文辦廠差共二百文酒糟紅白紙銀硃葱白等項共給辦案差錢六百文洗尸共給錢二百六十文提刑差兵二百文背硃盒差八十文執事共三百文壯班共三百二十文幫轎差共三百二十文小班共三百二十文大班共五百文跟班共六百文茶房一百文內差一百文馬夫一百文總共七千一百文在鄉由各鄉檢驗會首事交出在城由各堡檢驗會首事交出付辦案差分給此外不准書差另索分文

萬縣志

卷二

地理

義俗

九

一鄉間定罪犯人解質每犯一名解府者各甲諸會共派錢一千三十甲合共錢三十千解府兼解道者各甲諸會共派錢二十三甲合共錢六十千解府兼解省者各甲諸會共派錢三千三十甲合共錢九十千其一案兩三名入犯者解省每名加錢三十千解道每名加錢二十千解府每名加錢十千其招解反供復解者查照前數減半城內外定罪犯人解費從同其出錢分數每解費錢一千縣城堡上堡中堡各派錢二百八十文總堡派錢一百六十文均於

臨解前半月由本縣分別牌示簽差飭各保長會首
公派催交辦案差領解此外不准另索分文咸豐八
年秋月知縣事馮山懷示立

申明講約所 道光丙戌年知縣黃傑建申明亭
文廟右側榜

聖諭十六條於內 大周里五甲申明亭監生李子映捐地
武生萬青選等建爲鄉人剖曲直息爭訟之所 三
正里楊監生甲地置講約所時宣講

聖諭勸人改過遷善 城鄉士多就各公所宣講感發頗衆

萬縣志

卷十二

地理志

義局

十

地方官稽查毋俾異端邪說雜其中乃無流弊矣
平糶局 同治二年罌歲有秋而東南髮捻西北逆
回軍事方殷水陸舟車公私轉運米日數萬石於是
各縣米價騰躍越明年春夏之交萬縣遂至斗米錢
千六百知縣張琴捐錢三千二百緡分給三里團紳
設局倡募平糶遵大吏札糶倉穀官斗七千六百餘
石於四堡歸其常直募捐會館錢八百餘緡銀百兩
委四堡團紳勸募紳商錢四千六百餘緡邑紳杜鍾
媚捐穀三百石不取直堡各一局秋米價平局撤計

四堡減價實用捐穀三百石錢千七百餘緡猶餘錢三千八百緡遂置田二塊歲入穀七十五石以備凶年三里平糶有餘者亦卽留積備荒

元卷會 自賓興會成鄉會試皆有所資藉而寒峻猶艱於行李同治三年知縣張琴訓導范泰衡各捐金四百募捐輸局委紳劉肇修程文璜蔣興祥向拱宸曹宏鎮郝容中劉曜榮等金四百共交兩當課息以爲元卷會泰衡捐百金交紳生息以備不足議定文武生監鄉試各給卷銀二兩寒峻再助銀四兩會

萬縣志

卷十二

地理志

義局

十二

試各給卷銀十兩助銀酌給其秋甲子科帶補辛酉琴外籌款四百金先如議行結綵盛筵以餞是科文闈中式三名爲近所未有

安懷所 邑民彭乾元常憫窮民無告多死於歲暮饑寒捐置房屋一院名安懷所共用錢八百餘千募金置產歲租四十石每歲晚收篤老幼孩百數十人給粥三月監生杜祥捐田歲租二十石助賑咸豐九年知縣馮卓懷倡募前後共得錢二千一百四十緡增置田畝現在每歲收二百餘人年饑倍之用不足

則隨時募貲

恤孤堂 邑監生羅維屏常憫貧民棄孩餓死倡建育嬰堂未行與子增生敬承相繼歿妻趙氏命孀媳譚氏孫澤豐捐田業歲租三十二石錢六百千倡設恤孤堂知縣王玉鯨申詳存案前尤溪令孫化南監生譚長盛等復助募捐貲增置鵞溝田業歲入租穀四十石餘貲增置房舍歲晚收無告幼孩百餘人給粥三月現在每歲增至四五百人用不足則隨時募貲趙氏會分四百五十石穀田給夫兄三子

萬縣志

卷三

地理志

義局

六

調養所 貢生劉啓祥頓倡募置屋一所收養貧困病篤醫藥調治於是逆旅窮客賈舶燒夫乃不致委棄巖穴以死現在監生譚長盛程德裕衛和泰募貲延醫給粥施藥於其所連年行之不倦因其舍陰濕遷中堡

拯溺施藥局 貢生蔣以仕乾隆四十六年設濟生堂於市郭里二甲醫藥濟人邑大江湖澌息沸而窄小子夏秋船多覆設局約小舟救一人予錢千歲全活以百數後子孫以祠堂承嘗穀行之世世拯溺施

藥不廢同治四年增設拯溺局於下游徐那洞

樂善堂 一在市郭里三塊石道光九年孝義歲貢

生魏士良募建公置田業 一在小灣士良捐田建

一在匡井灣生魏士謙捐田建 三公所田租

皆備朔望講約平以教讀月課之用棗樹坪平登順

捐田則專備荒年平糶 一在魏家場比咸豐十一

年監生魏明詠捐業魏明謙劉代魁募建其田租備

講約月課平糶及歲暮濟貧

四祠揚顯會 春秋丁祭 前後殿嚴教官髦老疲

萬縣志 卷三

地理志 義局

於祠事在在俎豆 狼藉吏滋不恭咸豐三年訓導范

泰衡倡募 四祠子孫錢近千緡以備儀物俾得觀

禮祀先並議揚明條例以啟後人入學鄉舉中進士

改庶常皆有獎 置舍學地歲入佃錢二十六千同

治三年置田業歲入租穀十四石

全貞會 同治 年訓導范泰衡倡為全貞之舉未

及行而去其冬 糾社鍾喟賀襄勤陳光熙朱仁宇

彭維觀劉秉堃 惠霖相與首其事鍾喟襄勤各捐

錢千緡楊節婦捐 錢五百千監生蔣興祥捐錢三百

千四年五年訓導 陳家謨知縣張琴先後勸捐成巨
欸冬置業舉行預 歲助赤貧貞婦年三十以下額三
四十人每人歲助 或十二千四十以下額一二十人
每人歲助錢十千 效則助棺衾錢六千合例者爲之
請 旌建總坊入 節孝祠

一錢會 人日投 一錢於瓶若棄之然年終則錢三
百六十十人累之 則三千六百由斯累之以至數萬
而不已除夕前董 其成者收之卽錢若干市米斗斛
若干券析升合若 干陰相窮民之不能度歲者口若

萬縣志

卷十三

地理志

義局

而

干計人三日糧而 與之券使自取粟焉此商賈濟人
不費之惠也邑紳 程復興易濂程德泰倡行已二十
年不廢

濟臘局 一錢會 行於中堡兼顧南岸而三堡有向
隅者同治三四年 知縣張琴捐米二十餘石命團首
張德一郭孔聰等 募捐除夕前察極貧戶註冊按丁
給米一升連年城 堡捐米五十餘石德堡上堡團首
各募捐數石不等

賑災局

萬縣每

火災公樂堂十紳四堡團紳必備

募捐賑視貧戶被災輕重爲捐賑多寡歷年不懈水災頗稀咸豐十年大水入城至縣甬牆城外濱江市廛惟見屋瓦署知縣田秀粟倡捐紳民錢千數百緡挹取救火局錢五百緡賑之

籌防局 自邑令彭名湜設籌防局備鶴遊之變歷任以防勦粵滇逆前後增募民錢不及十萬緡而經費足驛站改道亦取資焉總司局務邑紳杜鍾嶠賀襄勤彭維觀王錫之衛和泰等皆出任事而家食維觀錫之尤勤勞謹出納絕浮濫故辦防久而用少於

萬縣志

卷三

地理志

義局

五

他縣事平猶餘錢五千餘緡乃置田業歲入租穀百石同治四年冬撤局租穀建倉存積以三甲紳司之非防堵不得用

崇善堂 在東關外咸豐三年監生劉衍福

劉峯泰等募建每年延醫施藥貧民有疾皆來診病取藥文生譚孔昭捐柏林溝田譚天錫捐學堂墾業歲共入租三百六斗山課錢十千衍福等陸續募資以濟

義渡會 縣城達南津街芭溪阻之白平橋漲沒則

往來必以舟渡夏秋水汎舟子貪載覆舟每歲不免
咸豐六年邑紳等募金爲會春則並舟連筏夏則多
舟梭織立渡不停復置田地房屋八契歲入租穀一
百四十石課錢十二千房佃錢一百一十六千以供
舟楫口食之費 巴陽峽上下兩渡咸豐七年知縣
馮卓懷諭募設題石壁日善溢江津 紅沙磧義渡
李萬成張應葵捐設 湖灘上義渡乾隆初年張燦
若募設灘下義渡咸豐二年置 萬順場義渡船二
隻 黃連嘴陳家壩 担子壩三處義渡嘉慶年間陳
大方大中楊學儒等捐設歷數十年就廢道光年間
陳光烈光黨等倡募置業三渡復興 大寶寨下小
河渡達新甯道道光十一年左德芳冉天儒李習易
十二人捐設渡船置田以備舟子口糧並建 鎮江
王廟曹之才捐廟地 黃龍寨下義渡道光二十七
年設 馬壩塘義渡 監生嚴性愷設愷姪精謨置田
以助經費 石板灘義渡向遇春羅德榮捐設 自
洋渡向正祥捐山地並募置田以供義渡費 張家
沱新義渡曾光宇等募設 蓼花洞義渡道光十八

年設 佛耳巖義渡咸豐七年陳楊二姓捐設 余
家場小河設有義渡船 湖灘義渡張姓置 白水
溪義渡幸德裕楊天茂募置 小湖灘義渡幸有鑑
捐置 三洲溪義渡張地久募置 杵子坡義渡崔
四瓊秦啟應陳藩南捐募置田以助經費
義塚會 環城官山義塚貧民多侵占造屋兼之牛
馬踐踏骨骸暴露咸豐七年邑廩生李兆庚程繼勳
監生程德裕吳光裕等醵金爲會置北山觀下地價
錢一百二十串稟知縣馮卓懷飭冢邊居民數百家

萬縣志

卷三

地理志

義局

七

移居於此南北義冢俱爲刊石定界並歲雇二人環
守掩骼埋骸禁蓄踐踏同治三年又募楊祖培杜鍾
媚等捐貲置曇花寺空地價錢三千三百六十串歲
入租穀三十九石 西門外官井坡三正里鞍子壩
市郭里蝦蟆石三地義冢康熙二十四年知縣張永
輝捐置 縣西星辰梯義冢地職員鍾德林捐置共
一地約周里許監生程尙文捐置 燕子窩義冢地
二畝嘉慶九年向天序捐置 大周里土壩坪義冢
二地公置 新場義冢地名爛壩同治元年公置

新場鐘三會義冢余國珍等十六人公置歷八十年
同治元年以堵賊費缺暫行借售三年何學古田道
寬募貲贖還舊業 分水場左右義冢公置北十里
外義冢陳氏捐置 王家場後義冢唐氏捐地西岸
義冢王正倫捐置 余家場邵家場義冢二地監生
余登光捐置 余家場又一地余耀奎余代珍捐置
向家壩一地余登品捐置 瑞池場東西義冢四
地公置 高山堡北熊家壩義冢地約周一里同治
二年什邡教諭謝殿選保藍翎部郎銜謝詩章捐業

萬縣志

卷二

地理志

義局

夫

堡西老鸛坡地約周里許三正舖場東店子壩地
約二里許職員謝大成捐業 李家河義冢監生文
正心募置 大地坪義冢監生文永齡捐置於高橋
施木匣以葬貧民又於佛寺舖倡捐置地并置木棺
貧者半值售極貧者贈之 石馬山義冢嘉慶時公
置備石板義冢武生何世泰等募置石灰梁義冢咸
豐時公置皆兼施木匣 七甲上下地義冢公置八
甲河上橋義冢監生劉亨泰捐置 三正里中磴場
義冢地域豐八年牟登材等募置 總角山東北麓

義冢地道光十八年鄭洪泰捐置 生基坪義冢陳

永錫捐置 野鹿銜花義冢顧紹廉捐置 古老壩

義冢胡氏捐置 唐家壩義冢唐四虞捐置 杉樹

溝義冢公置 高峯場義冢宗顯仁捐置 張家巖

義冢公置 柱頭山義冢監生熊聖祥捐地 市郭

里翠屏山後義冢地咸豐八年朱榜等募置 岑公

洞後義冢地道光二十六年唐朝清等募置 風凸

嶺義冢咸豐三年張應葵李萬成捐置 清水塘義

冢二地嘉慶初年劉萬良萬福焦宏圖捐置 蓮花

萬縣志

卷十二

地理志

義冢

九

石義冢乾隆六十年鄭正輔捐地 黃草坪義冢咸

豐二年熊肇綠等募置 白洋坪義冢職員陳盛思

捐置 梨樹坪義冢道光二十七年武生魏士毅職

員張文藻等募置歲入土租置薄棺 學堂壩義冢

咸豐十年蔡礪楫向忠信等募置歲入土租置薄棺

三十甲袁家燈義冢監生程尙章捐置 金子山

新開場冉家嘴三處義冢鄉人捐置 小湖灘義冢

冉之瑛捐置